

太師王端毅公奏議

太師王端毅公奏議卷

巡撫南直隸

地震請停任奏狀

據直隸常州府申據武進縣申據本縣在城
里老王宗武等呈於本年五月初十日辰時
分本處忽然地震有聲間生白毛係是地方
災異等因備申到臣除痛自修省外仰惟

陛下以天德而居天位于茲十有五年矣已
嘗勵精圖治夙夜不倦不嗜殺不游畋畏天
恤民仁孝誠敬格于上下宜其天心克享民

物阜安柰何近年以來水旱災傷殆無寧歲饑饉流殍南北皆然陛下又嘗宵旰焦勞遣使四出既發倉廩以賑貸之又蠲糧差以寬恤之庀所以奉天安人者無所不至又宜可以少回災沴召致和平夫何南畿之地復有如此之異此無他蓋是臣奉職不謹巡撫無狀之所致也况臣今年六十有四衰老多病昏憤無爲委實虛糜廩祿有妨賢路伏望

聖恩憐憫將臣罷歸田里以終餘年另選賢能代理其事庶幾優劣得所而天意可回矣

具奏奉

聖旨王恕不准辭歸着用心巡撫地方

議事奏狀

照得南京管糧并南直隸河南等處巡撫官
例該八月以裏赴京議事查得先該南京守
備成國公朱儀等奏

准南京管糧并南直隸巡撫都御史先期相
度如果至期地方無事仍照例赴京會議若
事不可摘離量將應議事件具奏定奪今照
南直隸安慶池州等府地方去年灾傷薄收

昨今人民艱食為盜者多正係撫安賑恤提
督緝捕之時況近來常州府地震有聲應天
鎮江等處雨水過多淹沒圩田不能栽蒔防
閑處置尤不可忽欲便照例赴京會議誠恐
有悞前事除仍在地方巡撫外今將應議事
件開坐具題請
旨

一查得成化七年奏

准將江南應天府并蘇松等府該起運瓜
洲淮安二處水次常盈倉糧俱撥官

軍過江就各處倉場交兌每石除原定加耗外另加過江水脚米一斗所以軍得脚價民免遠運彼此有益交相稱便成化十三年十四年仍令民運赴瓜淮交兌民有盤費之損軍無加增之益由是言之則知民運至瓜淮不若軍到江南領運之便明甚如蒙乞

勅該部會議合無將今後僭運瓜洲淮安二處水次常盈倉糧照例加與脚耗

仍令官軍過江依期前去各處水次
領兌度幾軍民兩便漕運不悞

前件仍照舊例民運於瓜淮及常
盈倉兌納

蘇松常鎮及嘉湖杭七府歲輸正耗
稅糧八百餘萬石租重差繁民多逃
移松江一府二縣之民已包納坍江
逃絕人戶稅糧五萬有餘其他可知
且杭鎮二府稅糧雖多不過起運南
京各衛倉徐州等倉及兌軍贖運而

已蘇松常嘉湖五府稅糧除起運兩
京內官監供用庫光祿寺等衙門白
熟粳米白熟糯米一十四萬三千九
百九十餘石每石連加耗腳價盤用
有用糙米四石三斗二升者有用糙
米三石三升者有用糙米二石七斗
者共用糙米四十餘萬石蘇松常三
府又起運兩京各衙門并公侯駙馬
伯祿米二十八萬餘石連加耗腳價
盤用共用糙米五十餘萬石約用運

夫二萬有餘自備衣糧盤費又不可
以數計况涉歷江湖過關過壩盤纏
剥淺辛苦萬狀或不辛又有遭風覆
沒之虞西五箇月不得到京及至到
京或遇陰雨不得曬晾動輒守候一
兩箇月不能進倉如遇各衙門忠誠
爲

國知民艱苦官員隨即照數收受出給關
單糧納受福若遇惟利是嗜不知民
難官員百般刁蹬任意需索捉斛較

量衝撒在地者皆不作數或百十石
或五七十石一例折筭照數添補以
致借債陪補破產還債年年如此民
財如之何不殫財殫力屈民難過活
誠恐又則致生他變不特收糧之弊
如此而各庫收受一應官物其弊亦
然如蒙乞

勅該部會議合無請

勅戒諭兩京一應收受錢銀內外官員今
後務要各公乃心憫念民難如遇錢

糧到於倉庫辯驗堪中隨即收受毋
刁蹬留難毋巧取財物毋多收斛面
毋多稱斤重爲

國愛惜民力培養元氣如或仍前不悛剝
削糧納許巡倉巡庫御史指實叅養
不分内外一體拿問如此則法無偏
私而人自畏服東南生靈之福也

前件准擬行文禁約

一查得在京光祿寺歲用白熟粳米三
萬八千一百二十五石南京光祿寺

歲用白熟粳米一萬五千石在京光祿寺日支飯米臣不知其數南京光祿寺日支飯米臣頗知其數其每日所造之飯止供南京尚寶司六科巡城都督本寺及四署官數員而已其餘則送各監局匠人本寺厨役及以此米送淮清橋三飯堂造飯濟貧太抵此米以一百分爲率官員所食不及一分而匠人厨役貧子所食反至九十九分之上且此白熟米得之蘇

易方其初收之時鄉民選取一色稻舂碾成米篩簸擇好者取之其不好者退之勞費民力頗多實非常輩可比在

廷文武大臣非公差見辭奉

旨賜酒飯則不得食而匠人厨役貧子更得食之况環衛之士與

朝廷守宮禁防奸細地之匠人厨役貧子

輕重不同環衛之士止食四門倉之

米所造之飯而匠人厨役貧子却食

如此好米非惟人民辦納艱難抑月
貴賤輕重不分如蒙乞

勅該部會議合無今後兩京光祿寺合用
祇待近侍官員及四夷使臣等項方
許會計白熟粳米其餘匠人厨役飯
食與夫飯堂造飯之米另項會計次
等熟米但以熟米不分顆粒大小類
色紅白一例收受支給如此非但
納者頗省勞費而飯食亦有差矣
前件照舊具題節該奉

聖旨南京光祿寺扣筭官員食用外厨役人等只與次等米食

一直隸蘇州府所屬并蘇州太倉鎮海
三衛吳淞江崇明沙二守禦千戶所
官吏師生旗軍俸糧及運糧備倭官
軍行糧歲用糧米二十三萬石直隸
松江府所屬并金山衛青村南匯營
二守禦千戶所及浦東等鹽課司官
吏師生旗軍人等俸廩歲用糧米七
萬四千餘石近年以來蘇州府止存

留糧米十萬餘石不穀半年支用松
江府止存留糧米二萬八千餘石不
穀五箇月支用遇有灾傷蠲免及坐
買顏料愈見缺乏况太倉鎮海金山
崇明沙吳淞江青村南匯諸俱係沿
海衛所隄備倭寇官軍缺食尋常尚
難度日遇警豈不悞事節據金山等
衛崇明沙等所告稱缺糧已行該府
暫將各縣備荒糧米借撥支領外即
今各縣備荒糧米數亦不多中間亦

有全匱乏者設遇饑荒非惟官軍缺
糧支給而饑民亦無所望該府已嘗
具

奏今成化十五年稅糧蘇州府又止存留
一十萬六千九百六十一石有零松
江府又止存留三萬一千三百三十
八石有零委的數少不穀支給查得
蘇州府起運淮安府常盈倉米五萬
五千石揚州府倉米一萬四千三百
七十石松江府起運揚州倉米二萬